


十誦律

才三十一

三百十三  
存一

5696h



京都府立総合資料館蔵



十誦律卷第三十一

存

姓秦三藏弗若多羅共三藏鳩摩羅什譯

第五誦之三

八法中那般茶  
盧伽法第四

佛在舍衛國今時舍衛國有二比丘一名般茶  
二名盧伽喜鬪諍相言共諸比丘鬪諍相言已知  
是鬪諍比丘便到其所言汝等決定堅持是

事莫為他擊汝等取勝我當相助復語第二  
部言汝等決定堅持是事莫為他擊汝等取  
勝我當相助以是因緣故未破比丘便破已  
破者不可和合僧中未起事便起已起事不  
可滅是中有比丘少欲知足行頭陀聞是事  
心不喜呵責言云何名此立喜鬪諍相言知

音第  
律第  
三

是鬪諍比丘便到其所言汝等決定堅持是  
事莫為他擊汝等取勝我當相助復語第二  
部言汝等決定堅持是事莫為他擊汝等取  
勝我當相助以是因緣故未破比丘便破已  
破者不可和合未起事便起已起事不可滅  
如是呵已向佛廣說佛以是事集比丘僧知  
而故問般荼盧伽比丘汝等實作是事不忝  
言實作出尊佛以種種因緣呵責言云何名比  
丘喜鬪諍相言知是鬪諍相言便到其所言  
汝等決定堅持是事莫為他擊汝等取勝我  
當相助復語第二部言汝等決定堅持是事  
莫為他擊汝等取勝我當相助以是因緣故

未破比丘便破已破者不可和合僧中未起  
事便起已起事不可滅如是呵已語諸比丘  
汝等與般荼盧伽比丘作苦切羯磨若更有  
如是人者亦應與作苦切羯磨若比丘於三  
事中有犯應與作苦切羯磨若破戒若破正  
見若破威儀復有三事應與作苦切羯磨喜  
鬪喜諍喜相言有三種作苦切羯磨非法非  
毗尼可破人不現前作不先說其事作不令  
憶念作有三種如法不可破人現前作先說  
其事作令憶念作有三種可破非法作別衆  
作人不現前作有三種不可破如法作和合  
僧作人現前作有三種可破非法作別衆作

不先說其事作有三種不可破如法作和合  
僧作先說其事作有三種可破非法作別衆  
作不今憶念作有三種不可破如法作和合  
僧作今憶念作復有三種非法非毗且可破  
與不犯罪人作與犯不可悔過作與已悔過  
作有三種如法不可破為犯罪人作為犯可  
悔過作與未悔過作有三種可破不如法作  
別衆作與不犯罪作有三種不可破如法作  
和合僧作為犯罪作有三種可破非法作別  
衆作不為可悔過作有三種不可破如法作  
和合僧作為犯可悔過作有三種可破非法  
作別衆作與已悔過作有三種不可破如法

作和合僧作與夫悔過作苦切羯磨法者一  
心和合僧一比丘僧中唱言大德僧聽是般  
荼盧伽比丘喜鬪諍相言知是鬪諍比丘便  
到其所言汝等堅持是事莫爲他擊汝等取  
勝我當相助復語第二部比丘言汝等堅持  
是事莫爲他擊汝等取勝我當相助以是因  
緣故未破比丘便破已破者不可和合僧中  
未起事便起已起事不可滅若僧時到僧忍  
聽僧與般荼盧伽比丘作苦切羯磨隨汝般荼  
盧伽比丘幾時作不清淨行惡口不止隨尔  
所時僧與汝等作苦切羯磨是名白如是白  
四羯磨僧與般荼盧伽比丘作苦切羯磨竟

僧忍默然故是事如是持得苦切羯磨比丘  
行法者是比丘不應與他受大戒不應受他  
依止不得畜沙彌不得受教化比丘尼羯磨  
若先受不應教化不應重犯苦切羯磨罪不  
應作相似罪不應作過是罪不應呵諸羯磨不  
應呵作羯磨人不應出清淨比丘過罪不應  
從他乞聽不應言我當出汝罪不應遮布薩  
自恣不應違逆清淨比丘應折伏心如法恭  
敬若不如是法行者盡形不得離是苦切羯  
磨即時諸比丘受佛教小却一面與般荼盧  
伽比丘作苦切羯磨般荼盧伽比丘得苦切  
羯磨已心悔折伏恭敬柔軟從僧乞解苦切



羯磨諸比丘以是事白佛佛語諸比丘若般荼  
盧伽心悔折伏僧應與解若更有如是人者  
亦應與解若比丘不如法行僧不應與解若  
切羯磨若與他受大戒與他作依止畜沙彌  
若受教化比丘及羯磨若教化比丘若重  
犯罪若作相似罪若作過是罪若呵羯磨若  
呵羯磨人若從他乞聽出清淨比丘罪若言  
我當出汝罪若遮說布薩自恣違逆清淨比  
丘不心悔折伏不柔輒不應與解若如法行  
僧應與解若切羯磨不與他受大戒不與他  
作依止不畜沙彌不受教化比丘若已羯  
磨不教化比丘若重犯罪不作相似罪不

作過是罪不呵羯磨不呵羯磨人不從他乞  
聽不出清淨比丘罪不言我當出汝罪不遮  
說戒受歲不違逆清淨比丘若心悔折伏柔  
軟應與解苦切羯磨解苦切羯磨法者一心  
和合僧般荼盧伽比丘從坐起偏袒右肩脫  
革屣胡跪合掌作是言大德僧憶念我般荼  
盧伽比丘喜鬪諍相言知是鬪諍相言比丘便  
到其所言汝等堅持是事莫爲他擊汝等取  
勝我當相助復語第二部比丘言汝等堅持  
是事莫爲他擊汝等取勝我當相助以是因  
緣故未破比丘便破已破者不可和合僧中  
未起事便起已起事不可滅故僧與我等

作苦切羯磨我等得苦切羯磨心悔折伏今  
從僧乞解苦切羯磨我等般荼盧伽比丘今  
心悔折伏僧憐愍故與我等解第二第三亦  
如是乞即時一比丘僧中唱言大德僧聽是  
般荼盧伽比丘喜鬪諍相言知是鬪諍比丘  
便到其所言汝等堅持是事莫爲他擊汝等  
取勝我當相助復語第二部比丘言汝等堅  
持是事莫爲他擊汝等取勝我當相助以是  
因緣故未破比丘便破已破不可和合僧中  
未起事便起已起事不可滅故僧與作苦切  
羯磨是般荼盧伽比丘得苦切羯磨故心悔  
折伏今從僧乞解苦切羯磨若僧時到僧忍

聽僧般茶盧伽比丘解苦切羯磨是名白如  
是白四羯磨僧與般茶盧伽比丘解苦切羯  
磨竟僧忍默然故是事如是持

佛在舍衛國尔時施越比丘數數犯罪數數  
悔過無有齊限諸比丘以是事白佛佛語諸  
比丘汝等與施越比丘作依止羯磨若更有  
如是比丘亦應與作依止羯磨佛言比丘三  
事中有犯應與作依止羯磨若破戒若破見  
若破威儀復有三種喜鬪喜諍喜相言有三  
種作依止羯磨非法非毗尼可破人不現前  
作不先說其罪作不令憶念作有三種作依  
止羯磨如法如毗尼不可破人現前作先說

其罪作令憶念作有三種可破非法作別衆  
作人不現前作有三種不可破如法作和合  
衆作人現前作有三種可破非法作別衆作  
不先說其罪作有三種不可破如法作和合  
僧作先說其罪作有三種可破非法作別衆  
作不令憶念作有三種不可破如法作和合  
僧作令憶念作有三種可破與不犯罪作爲  
不可悔過作與已悔過作有三種不可破爲  
犯作爲可悔過作與未悔過作有三種可破  
非法作別衆作與不犯作有三種不可破如  
法作和合僧作爲犯作有三種可破非法作  
別衆作爲不可悔過作有三種不可破如法

作和合僧作為可悔過作有三種可破非法  
作別衆作為已悔過作有三種不可破如法  
作和合僧作與未悔過作作依止羯磨有二  
種一應教汝依止某甲住二者應說依止羯  
磨法依止羯磨法者一心和合僧一比丘衆  
中唱言大德僧聽是施越比丘數數犯罪數  
數懺悔無有齊限若僧時到僧忍聽僧與施越  
比丘作依止羯磨隨汝施越幾時作不清淨  
行不隨順道隨余所時僧與汝作依止羯磨  
是名白如是白四羯磨僧與施越比丘作依  
止羯磨竟僧忍默然故是事如是持得依止  
羯磨比丘行法者不應與他受大戒不應受

他依止不應畜沙彌不得受教化比丘尼羯磨若先受不應教化不應重犯罪不應作相似罪不應作過是罪不應呵羯磨不應呵作羯磨人不應出清淨比丘過罪不應從他乞聽不應言我當出汝罪不應遮說戒受歲不應違逆清淨比丘即時諸比丘受佛教小却一面與施越比丘作依止羯磨施越得羯磨故心悔折伏柔軟從僧乞解依止羯磨諸比丘以是事白佛佛語諸比丘若施越比丘心悔折伏僧應與解若更有如是人者亦應與解若比丘不如法行僧不應與解依止羯磨若與他受大戒與他作依止畜沙彌若受教化

比丘及羯磨若先受不應教化比丘及若重  
犯罪若作相似罪若作過是罪若呵羯磨若  
呵羯磨人若從他乞聽若出清淨比丘罪若  
言我當出汝罪若遮布薩自恣違逆清淨比  
丘若不心悔折伏柔軟不應與解若如法行  
僧應與解依止羯磨不與他受大戒不與他  
依止不畜沙彌不受教化比丘及羯磨不教  
化比丘尼不重犯罪不作相似罪不作過是  
罪不呵羯磨不呵羯磨人不從他乞聽不出  
清淨比丘罪不言我當出汝罪不遮布薩自  
恣不違逆清淨比丘若心悔折伏柔軟應與  
解依止羯磨解依止羯磨法者一心和合僧



施越比丘從坐起偏袒右肩脫革屣胡跪合  
掌作是言大德僧憶念我施越比丘數數犯  
罪數數悔過無有齊限故僧與我作依止羯  
磨我得依止羯磨故心悔折伏今從僧乞解  
依止羯磨僧憐愍故與我解第二第三亦如  
是乞即時一比丘僧中唱言大德僧聽是施  
越比丘數數犯罪數數悔過無有齊限僧與  
我作依止羯磨是施越比丘得依止羯磨故心  
悔折伏今從僧乞解依止羯磨若僧時到僧忍  
聽僧與施越比丘解依止羯磨是名白如是  
白四羯磨僧與施越比丘解依止羯磨竟僧  
忍默然故是事如是持

佛在舍衛國舍時黑山國土有馬宿滿宿二  
比丘汗他家行惡行汗他家皆見皆聞皆知  
行惡行亦見亦聞亦知是比丘共女人一床  
坐共一槃食共器飲酒中後食共食宿噉宿  
食不受而食不受殘食法彈鼓簧捻屑作音  
樂聲齒作伎樂彈銅盃彈多羅樹葉作餘種  
種伎樂歌舞著瓊瓔珞以香塗身著香熏衣  
以水相灑自手採華亦使人採自貫華瓊亦  
使人貫自頭上著華亦使人著自著耳環亦  
使人著自將他婦女去若使人將去若令爲  
鬪馬鬪車鬪步鬪羊鬪水牛鬪狗鬪雞鬪男  
鬪女鬪亦自共鬪手打腳踏四向馳走變易

服飭驅行跳躑水中浮沒破截樹木打臂拍  
腔啼哭大喚或嘯謬語諸異國語躑絕反行  
如魚婉轉擲物空中還自接取與女人共大  
船上載令作伎樂乘象馬車輿與多人衆吹  
貝導道入園林中作如是種種惡不淨事諸  
比丘以是事白佛佛語諸比丘汝等與馬宿  
滿宿比丘作驅出羯磨若更有如是比丘亦  
應與作驅出羯磨佛言比丘於三事中有犯  
僧應與作驅出羯磨若破戒破見破威儀有三種  
應作驅出羯磨喜鬪喜諍喜相言有三種非法非  
毗尼作驅出羯磨可破人不現前作不先說  
其罪作不令憶念作有三種如法如毗尼作

驅出羯磨不可破人現前作先說其罪作令  
憶念作有三種可破非法作別衆作人不現  
前作有三種不可破如法作和合僧作人現  
前作有三種可破非法作別衆作不先說其  
罪作有三種不可破如法作和合僧作先說  
其罪作有三種可破非法作別衆作不令憶  
念作有三種不可破如法作和合僧作令憶  
念作有三種作驅出羯磨可破與不犯罪作  
爲不可悔過作與已悔過作有三種作驅出  
羯磨不可破爲犯罪作爲可悔過作與未悔  
過作有三種可破非法作別衆作與不犯罪  
作有三種不可破如法作和合僧作爲犯罪

作有三種可破非法作別衆作為不可悔過  
作有三種不可破如法作和合僧作為可悔  
過作有三種可破非法作別衆作與已悔過  
作有三種不可破如法作和合僧作與未悔  
過作驅出羯磨驅出羯磨法者一心和合僧  
一比丘應僧中唱言大德僧聽是馬宿滿宿比丘  
汗他家行惡行汗他家皆見皆聞皆知行惡行亦  
見亦聞亦知僧當與某甲作驅出羯磨若僧時到僧  
忍聽僧與馬宿滿宿比丘作驅出羯磨隨汝馬宿  
滿宿幾時不捨是不清淨行隨尔所時與汝作  
驅出羯磨是名白如是白四羯磨僧與馬宿  
滿宿比丘作驅出羯磨竟僧忍默然故是事如

是持得驅出羯磨比丘行法者不應與他受  
大戒不得受他依止不得畜沙彌不得受教  
化比丘尼羯磨若先受不應教化不應重犯  
得驅出羯磨罪不應作相似罪不得作過是  
罪不應呵羯磨不應呵作羯磨人不應出清  
淨比丘過罪不應從他乞聽不應言我當出  
汝罪不應遮布薩自恣不應違逆清淨比丘  
應折伏心如法恭敬若不如是法行者盡形  
壽不得離驅出羯磨即時諸比丘受佛教小  
却一面與馬宿滿宿作驅出羯磨馬宿滿宿  
得驅出羯磨故心悔折伏柔軟從僧乞解驅  
出羯磨諸比丘以是事白佛佛語諸比丘若

馬宿滿宿比丘心悔折伏者僧應與解若更有如是人僧亦應與解若比丘不如法行僧不應與解驅出羯磨若與他受大戒與他作依止畜沙弥若受教化比丘尼羯磨若教化比丘尼若重犯罪若作相似罪若作過是罪若呵羯磨若呵羯磨人若從他乞聽若出清淨比丘罪若言我當出汝罪若遮布薩自恣違逆清淨比丘不心悔折伏柔軟不應與解若如法行僧應與解驅出羯磨不與他受大戒不與他作依止不畜沙弥不受教化比丘尼羯磨不教化比丘尼不重犯罪不作相似罪不作過是罪不呵羯磨不呵羯磨人不從

他乞聽不出清淨比丘罪不言我出汝罪不  
遮布薩自恣不違逆清淨比丘若心悔折伏  
柔軟應與解驅出羯磨解驅出羯磨法者一  
心和合僧馬宿滿宿比丘從坐起偏袒右肩  
脫革屣胡跪合掌作是言大德僧憶念我馬  
宿滿宿比丘汗他家行惡行汗他家皆見皆  
聞皆知行惡行亦見亦聞亦知故僧與我作  
驅出羯磨我等得驅出羯磨故心悔折伏今  
從僧乞解驅出羯磨僧憐愍故與我等解第  
二第三亦如是乞即時一比丘僧中唱言大  
德僧聽是馬宿滿宿比丘汗他家行惡行汗  
他家皆見皆聞皆知行惡行亦見亦聞亦知



僧與作驅出羯磨是馬宿滿宿比丘得驅出  
羯磨故心悔折伏今從僧乞解驅出羯磨若  
僧時到僧忍聽僧與馬宿滿宿比丘解驅出  
羯磨是名白如是白四羯磨僧與馬宿滿宿  
比丘作解驅出羯磨竟僧忍默然故是事如  
是持。

佛在舍衛國舍時迦尸國有聚落名磨叉止  
陀是中有一豪貴居士名曰質多羅饒財寶田  
宅人民奴婢眷屬是人歸依佛法僧不疑佛  
法僧不疑苦集盡道見諦得道於磨叉止陀  
聚落菴羅林中起僧房請比丘僧願諸大德  
於此菴羅林中僧房中住我當供養衣鉢戶

鈎時藥夜分藥七日藥盡形藥亦能教讀誦  
經法荅所問疑唯除毗尼時有比丘名鬱多  
羅於質多羅居士菴羅林中作僧房摩摩帝  
帝帝陀羅介時有優波斯那比丘和檀提子  
與大比丘衆五百人俱皆阿練兒納衣乞食  
樂處空地來去坐立飲食衣鉢威儀清淨起  
人敬心遊行迦尸國到磨叉止陀聚落質多  
居士見是客比丘來去坐立飲食衣鉢威儀  
清淨即起敬心清淨因是客比丘故請僧明  
日到自舍食時僧房主聞質多居士不先語  
我因客比丘故請僧舍食我是質多居士菴  
羅林中摩摩帝帝帝陀羅僧房主質多居士

不問我因客比丘故請僧舍食過是夜已我  
當共是居士語是鬱多羅比丘作是思惟至  
地了著衣持鉢到是居士舍見辦種種多美  
飲食數種種雜色坐具問言何以無胡麻歡  
喜丸居士荅言我今樂說一喻若聽者當說  
之大德鬱多羅北方有估客衆擔雞東方市  
易有烏來下與雞共合生子鳴時亦不能作  
雞聲復不能作烏聲設欲鳴時作雞烏聲鬱  
多羅汝亦復如是雖種種說佛法善語又說  
惡語鬱多羅比丘言汝呵罵我此是汝菴羅  
僧房還以相付我當往東方詣佛所供養親  
侍居士言大德住我僧房中我當盡形供給

衣鉢戶鈎時藥夜分藥七日藥盡形藥又當  
教讀誦經法答所問疑唯除毗尼是比丘再  
三語居士言汝呵罵我此是汝菴羅僧房還  
以相付我至東方詣佛所供養親侍是居士  
又第二第三請言鬱多羅住我僧房中當盡  
形供養衣鉢戶鈎時藥夜分藥七日藥盡形  
藥又當教讀誦經法答所問疑唯除毗尼  
時鬱多羅比丘欲往東方詣佛所時居士語  
言汝所說事及我所說具向佛說莫得增減  
汝今不受我請後必還來鬱多羅比丘即持  
衣鉢遊行向舍衛國詣佛所頭面禮佛足在一  
面立諸佛常法有客比丘來以是語言問訊

可忍可足安樂住乞食不難道路不疲極耶  
佛以是語問訊鬱多羅比丘可忍可足安樂  
住乞食不難道路不疲極耶荅言世尊可忍  
可足安樂住乞食不難道路不疲極以是事  
向佛廣說佛聞已語諸比丘汝等與鬱多羅  
比丘作下意羯磨令向質多羅居士下意懺  
悔若更有如是人僧亦應與作下意羯磨若  
比丘三事中有犯應與作下意羯磨破戒破  
見破威儀又三種應與作下意羯磨喜鬪喜  
諍喜相言若比丘有五法僧應與下意羯磨  
若比丘呵責佛若呵法若呵僧若破戒若破  
威儀又有五法僧應與下意羯磨若惡口向

白衣若罵白衣若毀訾白衣家若別離白衣  
家若方便求驅白衣出欲令得衰惱復有五  
法僧應與作下意羯磨惡口向比丘罵比丘  
毀訾比丘破比丘利養求方便驅比丘出令  
得衰惱復有五法僧應與作下意羯磨教白  
衣共白衣鬪教白衣共比丘鬪教比丘共比  
丘鬪教比丘共白衣鬪說白衣所不喜事僧  
作下意羯磨作下意羯磨時先應思惟三事  
是居士所說爲實不實此比丘能作是事不  
是比丘可令下意不如是思惟已然後作下  
意羯磨作下意羯磨法者一心和合僧一比  
丘唱言大德僧聽質多居士供給僧如事大

家是鬱多羅比丘現前惡口呵罵若僧時到  
僧忍聽僧與鬱多羅比丘作下意羯磨令向  
質多居士懺悔是名白如是白四羯磨僧與  
鬱多羅比丘作下意羯磨令向質多居士懺  
悔竟僧忍默然故是事如是持

尔時僧應遣一堪能比丘將鬱多羅比丘到  
質多居士所語居士言是比丘現前惡口呵  
罵汝僧已如法治汝今聽是比丘懺悔若受  
懺悔者即時令是居士離聞處著可見處鬱  
多羅比丘應向是比丘作突吉羅懺悔若是  
居士不受者僧尔時應更與二堪能比丘語  
居士言鬱多羅比丘現前惡口呵罵汝僧已

如法治汝當受懺悔若受者即令居士離門  
處住可見處鬱多羅比丘應向二比丘作突  
吉羅懺悔若復不受者卽時僧卽更與若三  
若四堪能比丘語居士是比丘現前惡口呵  
罵汝僧已如法治汝當受悔過若受者卽令  
居士離聞處住可見處鬱多羅比丘應向是  
諸比丘作突吉羅懺悔若復不受者若是居  
士多知多識有大力勢有官力賊力能自作  
惡事惱亂衆僧若令人作僧應語是比丘言  
是居士多知多識有官力有賊力能自作惡  
事亦能令人作汝當離是住處去若是比丘  
強住者衆僧無罪



佛在俱舍弥尔時車匿比丘犯可悔過罪諸  
比丘憐愍欲利益安樂故語其罪教令如法  
見罪悔過莫覆藏車匿言我不見罪云何悔  
過諸比丘以是事向佛廣說佛語諸比丘汝  
等與車匿作不見擯若更有如是比丘亦應  
與作若比丘三事中有犯應與作不見擯破  
戒破見破威儀復有三事僧應與作不見擯喜鬪  
諍喜相言僧欲作不見擯時先應思惟五事若我  
等與是比丘作不見擯不共布薩說戒自恣不共作  
諸羯磨不共中食不共怛鉢那不隨上座起禮迎  
送以是因緣故鬪諍事起相言相罵僧破僧諍僧  
別僧異思惟是不法已不應作擯若我等與是比

比丘作不見擯不共布薩說戒自恣不共作諸羯磨不  
共中食不共怛鉢那不隨上座起禮迎送以  
是因緣故不起鬪諍相言相罵僧和合無諍無  
別無異思惟是五事已應與作不見擯犯罪比丘  
亦應思惟五事若諸比丘與我作不見擯不得共  
我布薩說戒自恣不共作諸羯磨不共中食不共怛  
鉢那不得隨上座起禮迎送何以故諸比丘樂持  
戒有慚愧不能爲我故隨愛隨瞋隨怖隨癡  
行思惟是法已應受不見擯作不見擯羯磨  
法者一心和合僧一比丘僧中唱言大德僧  
聽是車匿比丘犯罪不如法見若僧時到僧  
忍聽僧與車匿比丘作不見擯隨汝車匿幾

時犯罪不如法見僧隨念所時與汝作不見  
擯諸比丘不共汝作羯磨不共汝住於僧事  
中若白羯磨白二羯磨白四羯磨布薩白恣  
不得入十四人數不與汝共事共住馱惡汝  
如旃陀羅是名白如是白四羯磨僧與車匿  
比丘作不見擯羯磨竟僧忍默然故是事如  
是持得不見擯比丘行法者不應與他受大  
戒不應受他依止不應畜沙彌不應受教化  
比丘及羯磨若先受不應教化不應重犯罪  
不應作相似罪不應作過是罪不應呵羯磨  
不應呵羯磨人不應受清淨比丘起禮迎送  
供養衣鉢卧具洗脚拭脚脚机若無病不應

受他按摩心悔折伏柔輒佛言若不如是法  
行者盡形不得離是羯磨即時諸比丘受佛  
教已小遠一面與車匿比丘作不見擯羯磨  
已車匿比丘心不折伏作是言我何預汝等  
事我不數汝作是語已便持衣鉢向央伽國  
摩竭國迦尸國憍薩羅國鳩留國般闍羅國  
阿葉摩伽阿般提國從一住處至一住處諸  
國土比丘聞車匿被擯不共住羯磨若白羯  
磨白二羯磨白四羯磨布薩自恣不入十四  
人數不得共事狀惡如旃陀羅皆不共住不  
共事還來俱舍弥國心悔折伏從僧乞解不  
見擯諸比丘以是事白佛佛語諸比丘汝等

與車匿比丘解不見擯若更有如是人亦應  
與解若比丘不如法行者僧不應與解不見  
擯若與他受大戒與他作依止若畜沙彌若  
受教比丘居羯磨若教化比丘及若重犯罪  
若作相似罪若作過是罪若呵羯磨若呵  
人若受清淨比丘起禮迎送衣鉢卧具洗脚  
拭脚脚机若不病受他按摩若作白衣相若  
作外道相若與外道共事不應作便作不學  
比丘戒呵罵比丘惡口向比丘毀訾比丘作  
方便令僧失住處失供養欲折伏界內界外  
比丘喜鬪諍相言心不折伏不恭敬柔軟若  
如是行者不應與解不見擯若得不見擯比

丘不與他受大戒不與作依止不畜沙彌不  
受教化比丘居羯磨不教化比丘居不重犯  
罪不作相似罪不作過是罪不呵羯磨不呵  
羯磨人不受清淨比丘起禮迎送供養衣鉢  
卧具不受洗脚拭脚脚机不病不應受他按  
摩不作白衣相外道相不與外道共事作所  
應作學比丘戒不呵罵比丘不惡口向比丘  
不毀訾比丘不作方便令僧失住處失供養  
不欲折伏界內界外比丘不喜聞諍相言心  
悔折伏恭敬柔軟若如是行者應與解不見  
擯解不見擯法者一心和合僧車匿比丘應  
從坐起偏袒右肩脫革屣胡跪合掌作是言

我車匿犯可悔過罪不如法見故僧與我作  
不見擯諸比丘不與我共事共住作白羯磨  
白二羯磨白四羯磨布薩自恣及諸羯磨不  
得入十四人數馱惡我如旃陀羅今我車匿  
已心悔折伏柔軟從僧乞解不見擯羯磨僧  
憐愍故與我解第二第三亦如是乞即時一  
比丘僧中唱言大德僧聽是車匿比丘犯罪  
不如法見僧與作不見擯羯磨諸比丘不與  
共事作白羯磨白二羯磨白四羯磨布薩自  
恣不得入十四人數馱惡如旃陀羅車匿比  
丘今心悔折伏從僧乞解不見擯羯磨若僧  
時到僧忍聽與車匿比丘解不見擯羯磨是

名白如是白四羯磨僧與車匿比丘解不見  
擯羯磨竟僧忍默然故是事如是持

佛在俱舍彌國介時長老車匿犯可悔過罪諸  
比丘憐愍欲利益安樂故語其過罪教令如  
法悔過答言我見是罪不能如法悔過諸比  
丘以是事白佛佛語諸比丘汝等與車匿作  
不作擯羯磨若更有如是人亦應與作佛言  
若比丘三事中隨犯應與作不作擯羯磨若  
破戒若破見若破威儀應與不作擯復有三  
事僧應與不作擯喜鬪喜諍喜相言僧欲作  
不作擯時先應思惟五事若我等與是比丘  
作不作擯不共布薩作諸羯磨不共中食不



共怛鉢那不隨上座起禮迎送以是因緣故  
鬪諍事起僧破僧諍僧別僧異思惟是五法  
已不應作擯若我等與是比丘作不作擯不  
共布薩作諸羯磨不共中食怛鉢那不隨上  
座起禮迎送以是因緣故不起鬪諍僧和合  
無諍無別無異思惟是五法已應與作擯犯  
罪比丘亦應思惟五法是諸比丘與我作不  
作擯不得共我布薩自恣作諸羯磨不共中  
食怛鉢那不隨上座起禮拜何以故諸比  
丘樂持戒有慚愧不能爲我故隨愛隨瞋隨  
怖隨癡行思惟是五法已應受不作擯羯磨  
不作擯羯磨法者一心和合僧一比丘僧中

唱言大德僧聽是車匿比丘犯罪見罪不能  
如法悔過若僧時到僧忍聽僧與車匿比丘  
作不作擯隨汝車匿幾時犯罪見罪不能如  
法悔過僧隨余所時與汝作不作擯諸比丘  
不共汝作諸羯磨若白羯磨白二羯磨白四  
羯磨布薩自恣不得入十四人數不與汝共  
事共住馱惡汝如旃陀羅是名白如是白四  
羯磨僧與車匿比丘作不作擯羯磨竟僧忍  
默然故是事如是持得不作擯比丘行法者  
不應與他受具戒不應與他作依止不應畜  
沙彌不應受教化比丘居羯磨若先受不應  
教化不應重犯罪不應作相似罪不應作過

是罪不應呵羯磨不應呵羯磨人不應出清  
淨比丘過不應受清淨比丘起禮迎送供養  
衣鉢卧具不應受洗脚拭脚机供養除病  
不應受他按摩應心悔折伏柔軟佛言若不  
如是法行者盡形不得離是羯磨即時諸比  
丘受佛教小却一面與車匿比丘作不作擯  
羯磨已車匿比丘心不折伏作是言我何預  
汝等事我不數汝等作是語已便持衣鉢向  
鶻伽國摩竭國迦尸國憍薩羅國鳩留國阿  
葉摩伽阿般提國從一住處至一住處諸國  
土比丘聞車匿比丘被擯諸比丘不共作羯  
磨不共住於衆事中若白羯磨白二羯磨白

四羯磨布薩自恣不得入十四人數不得共  
事共住獸惡我如旃陀羅皆不共住共事車  
匿比丘還俱舍彌國心悔折伏從僧乞解作  
不作擯羯磨諸比丘以是事白佛佛語諸比  
丘汝等與車匿比丘解不作擯若更有如是  
人亦應與解若擯比丘不如行法者僧不應  
與解若與他受具戒與他作依止若畜沙彌  
若受教化比丘尼羯磨若教化比丘尼若重  
犯罪若作相似罪若作過是罪若事不應作  
呵羯磨人若受清淨比丘起禮迎送供養衣  
鉢卧具洗脚拭脚机若不病受他按摩若  
作白衣相作外道相若與外道共事不應作

便作不學比丘戒呵罵比丘惡口向比丘毀  
訾比丘作方便令僧失住處失供養欲折伏  
界內界外比丘喜鬪諍相言心不悔折伏恭  
敬柔輒若如是行者不應與解不作擯若得  
不作擯比丘不與他受具戒不與他作依止  
不畜沙彌不受教化比丘居羯磨不教化比  
丘居不重犯罪不作相似罪不作過是罪不  
呵羯磨不呵羯磨人不受清淨比丘起禮迎  
送供養衣鉢卧具洗脚拭脚脚机不病不受  
按摩不作白衣相不作外道相不與外道共  
事作所應作學比丘戒不呵罵比丘不惡口  
向比丘不毀訾比丘不作方便令僧失住處

失供養不欲折伏界內界外比丘不喜鬪諍  
相言心悔折伏恭敬柔輒若如是行者應與  
解不作擯解不作擯法者一心和合僧車匿  
比丘應從坐起偏袒右肩脫革屣胡跪合掌  
作是言大德僧憶念我車匿比丘犯罪見罪  
不能如法悔故僧與我作不作擯諸比丘不  
與我共事共住作白羯磨白二羯磨白四羯  
磨布薩自恣不得入十四人數獸惡我如旃  
陀羅我車匿今心悔折伏柔輒從僧乞解不  
作擯羯磨僧憐愍故與我解第二第三亦如  
是乞即時一比丘僧中唱言大德僧聽是車  
匿比丘犯罪見罪不能如法悔過僧與作不

作擯羯磨諸比丘不與共事共住作白羯磨  
白二羯磨白四羯磨布薩自恣不得入十四  
人數獸惡如旃陀羅車匿比丘得是羯磨故  
心悔折伏柔軟從僧乞解不作擯羯磨若僧  
時到僧忍聽與車匿比丘解不作擯羯磨是  
名白如是白四羯磨僧與車匿比丘解不作  
擯羯磨竟僧忍默然故是事如是持  
佛在舍衛國介時阿利吒比丘生惡邪見言  
我如是知佛法義佛所說障法行是障法不  
能障道諸比丘以是事白佛佛語諸比丘汝  
等與阿利吒比丘作不捨惡邪見擯若更有  
如是人亦應與作佛言若比丘三事中有犯

應與作惡邪不除擯。若破戒若破見若破威儀復有三事喜鬪喜諍喜相言。僧與作惡邪不除擯。亦時先應思惟五法。若我等與是比丘作惡邪不除擯。不共布薩。自恣作諸羯磨。不共中食。怛鉢那不隨上座起禮迎送。以是因緣。故鬪諍事起。相言相罵。僧破僧諍。僧別僧異。思惟是事已不應作擯。若我與是比丘作惡邪不除擯。不共布薩。作諸羯磨。不共中食。怛鉢那不隨上座起禮迎送。以是因緣。故不起鬪諍。相言相罵。僧和合無諍。無別無異。思惟是事已應與作擯。犯罪比丘亦應思惟五事。是諸比丘與我作惡邪不除擯。不得共



我布薩作諸羯磨不得共我中食。但鉢那不  
隨上座起禮迎送。何以故。諸比丘有慚愧樂  
持戒不能爲我故。隨愛隨瞋隨怖隨癡行思  
惟是事已。應受惡邪不除。擯惡邪不除。擯法  
者一心和合僧。一比丘僧中唱言大德僧聽  
是阿利吒比丘生惡邪見。言我如是知佛法  
義佛所說障法行是障法。不能障道。若僧時  
到僧忍聽。僧與阿利吒比丘作惡邪不除。擯  
汝阿利吒。隨汝幾時生惡邪見。不如法悔過  
僧隨。尔所時與汝作惡邪不除。擯諸比丘不  
共汝作羯磨。不共汝住於僧事中。若白羯磨  
白二羯磨白四羯磨布薩自恣不復入十四

人數不與汝共事共住。獸惡汝如旃陀羅。是名白。如是白。四羯磨僧與阿利吒比丘作惡。邪不除。擯羯磨竟。僧忍默然。故是事。如是持惡。邪不除。擯比丘行法者。不應與他受具戒。不應與他作依止。不應畜沙彌。不應受教化。比丘尼。羯磨若先受者。不應教化。不應重作罪。不應作相似罪。不應作過。是罪。不應呵羯磨。不應呵羯磨人。不應受清淨。比丘起禮迎送。供養衣鉢。卧具洗脚。拭脚。脚机。若不病。不應受他按摩。應心悔折伏。柔軟。佛言。若得擯比丘。不如是行者。盡形不得離。是羯磨。即時諸比丘受佛教。已小却一面。與阿利吒比丘作惡。

邪不除擯心悔折伏柔軟從僧乞解諸比丘  
以是事白佛佛語諸比丘汝等與阿利吒比  
丘解惡邪不除擯若更有如是人亦應與解  
若擯比丘不如惡邪不除擯行法者僧不應  
與解若與他受具戒與他作依止若畜沙彌  
若受教化比丘尼羯磨若教化比丘尼若重  
犯罪若作相似罪若作過是罪若呵羯磨若  
呵羯磨人若受清淨比丘起禮迎送供養衣  
鉢卧具洗脚拭脚机若不病不應受他按  
摩若作白衣相作外道相若與外道共事不  
應作便作不學比丘戒呵罵比丘惡口向比  
丘毀訾比丘作方便令僧失住處失利養欲

折伏界內界外比丘喜鬪諍相言心不折伏  
恭敬柔輒若如是行者不應與解若擯比丘  
不與他受具戒不與他作依止不畜沙彌不  
受教化比丘尼羯磨不教化比丘尼不重犯  
罪不作相似罪不作過是罪不呵羯磨不呵  
羯磨人不受清淨比丘起禮迎送供養衣鉢  
卧具洗脚拭脚脚机不病不應受他按摩不  
作白衣相外道相不與外道共事作所應作  
學比丘戒不呵罵比丘不惡口向比丘不毀  
些比丘不作方便令僧失住處失利養不欲  
折伏界內界外比丘不喜鬪諍相言心悔折  
伏恭敬柔輒若如是行者應與解惡邪不除

擯解惡邪不除擯法者一心和合僧阿利吒  
比丘應從坐起偏袒右肩脫華屣胡跪合掌  
作是言大德僧憶念我阿利吒生惡邪見作  
如是言我知佛法義佛所說障法行是障法  
不能障道故僧與我作惡邪不除擯諸比丘  
不與我共事共住作白羯磨白二羯磨白四  
羯磨布薩毘尼不得入十四人數獸惡我如  
旃陀羅我阿利吒今心悔折伏柔軟從僧乞  
解惡邪不除擯羯磨僧憐愍故與我解第二  
第三亦如是乞即時一比丘僧中唱言大德  
僧聽是阿利吒比丘生惡邪見作如是言我  
知佛法義佛所說障法行是障法不能障道僧

與作惡邪不除擯羯磨諸比丘不與共事共  
 住作白羯磨白二羯磨白四羯磨布薩自恣  
 不得入十四人數馱惡如旃陀羅阿利吒比  
 丘得是羯磨故心悔折伏柔軟從僧乞解惡  
 邪不除擯羯磨若僧時到僧忍聽與阿利吒  
 比丘解惡邪不除擯羯磨是名白如是白四  
 羯磨僧與阿利吒比丘解惡邪不除擯羯磨  
 竟僧忍默然故是事如是持八法中苦切羯  
 磨法第三竟

十誦律卷第三十一

存

羯磨

上居謂反  
下莫号反

輒更

而亮反  
上正

革徒

下所  
綺反

數

數

音

齊限

上聲  
去聲

簧

音

捻

反  
居膝

著屢

知上

下	上	評	嘯	莫	約
烏	一	訖	反	班	反
故	炎	二音	甬	反	下
反	反	同信	謬	踰	踰
			反	跼	徒
		訾	反	二	訾
		音		同	及
		紫		二	跣
		車	音	余	躑
		匿	下	預	躑
		力	居	吹	直
			反	貝	上
		机	帶	下	音
		反	及	博	脩
				反	下
					脛
					反
					蒲
					米
					音



水

水

水

水

水

